

Аёллар борасида Аллоҳдан қўрқинг!

Image not found or type unknown



15:00 / 14.07.2021 3283

Агар аёлингизни урсангиз, сабаби нима?

Намоз ўқимайдими?

Гап қайтарадими?

Айтган ишингизни қилмайдими?

Сўроқсиз кўчага чиқадиими?

Болаларга яхши қарамайдими?

Телефонда онаси, жигарлари билан кўп гаплашадиими?

Гап ташийдиими?

Ўғрилик қиладимми?

Покликка эътибор бермайдими?

Мода кетидан қувадимми?

Сизни таом ва хушмуомала билан кутиб олмайдимми?

Уйига борганда сиздан сўрамай холасиникига кетадимми?

Ушбу сабабларнинг аёлдан содир бўлиши оилада низо чиқишига олиб келиши мумкин.

Аммо шуларнинг ичида Намоз ўқимаслиги, ўғрилик қилиши, сўроқиз кўчага чиқиши янада оғирроқ жиноятдир.

Лекин аёлингиз шулардан қай бирини қилса ҳам уни бошқача йўл билан тартибга чақирса бўлмайдимми?

Аллоҳ таолога тақво қилишни, охиратни эслатиш, Аллоҳнинг, фаришталарнинг лаънاتини эсига солиш, насиҳат, ётоқни бир хонада алоҳида қилиш, қариндошидан ақллироғини чақиртириб насиҳат қилдириш кабиларни қўлласа бўлмайдимми?

Нега уришни айтмадим? Чунки оятда айтилган уриш биз сўз юритаётган, кўпчилик қўллайдиган уриш эмас.

Кўпчилик уриш деганда тепиш, кўкартириш, муштлаб уриш, сочидан судраб дўппослашни тушунади.

Йўқ, асло ундоқ эмас!

Оятда айтилган уриш бармоқ ёки мисвок билан аёлнинг биқинига туртиш, танбеҳ оҳангида “Нега Намозингни ўқимадинг?! Тур ўрнингдан, таҳорат олиб ўқиб ол! Аллоҳга тавба қил! Сен билан жаннатда ҳам бирга бўлишни истайман, бундоқ қилсанг жаннатда қандай бирга бўламиз?!” дейиш, сиёсат қилиш, танбеҳ бериш. Валлоҳу аълам.

Аммо аёлнинг уй ишларига алоқадор баъзи камчилигига кўз юмиш лозим бўлади.

Унутманг, аёлни росмана дўппослаш, тепиш бирор жойда айтилмаган.

Аксинча, аёллар борасида Аллоҳ таолодан қўрқиш, уларга яхши муомалада бўлиш буюрилган.

Пайғамбаримиз соллаллоҳу алайҳи васаллам «Аёллар борасида Аллоҳдан қўрқинг! Зеро сизлар уларга Аллоҳнинг калимаси ила эришдингиз ва фаржларини ҳалол қилиб олдингиз» деганлар.

Бошқа бир ҳадисда энг яхши мусулмон аҳли аёлига яхшилик қиладиган киши экани айтилган.

Пайғамбаримиз соллаллоҳу алайҳи васалламнинг умматларимиз, у зотдан намуна олайлик!

Аёлини болалар олдида уриш болаларнинг қалбида отага нисбатан ёмон хотира қолишига сабаб бўлади.

Илтимос, аёлингизни болалар борлигида ҳам, йўқлигида ҳам урманг!

Нозимжон Ҳошимжон